



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tractatio Synoptica De Iudiciis Ad Lib: II. Decretal:  
Gregorii IX.**

**Herberstein, Ferdinand von  
Tabarelli de Fatis, Donato Vincenzo**

**Spirens., 1660**

29.

**urn:nbn:de:hbz:466:1-11416**



& cap. sanè de privil. tùm quia ea, quæ à iure communi exorbitant non sunt in consequentiam trahenda. *reg: jur: 28. in 6.* imò nec in favorabilibus huiusmodi extensio admitti debet, *quia quod ex verbis non provenit, neq; ex mente creditur provenire, L. non aliter ff. de leg.*

29. Ratio verò esset non levis, quando iniquitas aliqua vel absurditas sequeretur, ex eo quod non extendatur lex ad casum sublata verborum forma non comprehensum. Exemplum desumi potest  
 1. in correlativis, in quibus statutum de uno, censetur etiam de altero statutum v. g. si pœna aliqua Civilis vel Canonica, Uxoricidio decreta sit, eam etiam uxor incurret, si maritum occidat. *L. fin. C. de indicta viduitate.* 2. in æquiparatis; dispositum enim in uno, in alio etiam dispositum censetur, videlicet in ea re, in qua æquiparata sunt: quapropter cum Falcidia & Trebellianica æquiparentur in iure *L. Marcellus §. quod autem. ff. ad Trebellianum colligitur etiam ex Gloss. in cap. si postquam ver. provisio de elect. in 6.* fit, ut quod dispositum est in Falcidia, censeatur dispositum in Tre-



Trebellianica. 3. in subordinatis sive ut perfectum & imperfectum; sive ut pars & totum, ut patet ex *reg. juris 53. in 6.* ut proinde, cui Testamentum facere concessum est, multò magis codicillum facere liceat, qui Testamentum imperfectum est.

4. quando lex frequentioris usûs causâ aliquid decernit, ut tradunt *DD. in L: unica C. de raptu virg.* in specie, quando Iudex pro aliquo casu decidendo non haberet legem, tunc enim à similis casûs decisione ob similitudinem rationis decisio illius casus petatur. *L. nam. ff. de leg:*

## TITVLVS II.

### DE RESCRIPTIS.

#### CASUS.

**D**E Adonia filio David patris sui, qui in uxorem petiit Abisag Samamitidem, quæ fuerat uxor patris eius, habet sacer textus *3. Reg. 2.* super dicta verba. Et Seleucum dedisse uxorem suam Strathonicam, in uxorem Anthiocho filio suo, refert *Plutarchus in vita Demetrii.* Quæritur: si his hodiè